


# 大悲佛陀之教義

(續)



The Teachings of The Compassionate Buddha.

著 譯 士 夫 特 修 相

## (七) 佛之

「跋蹉，如有火焚於汝前，汝知其為火否？」

「知也，善喬達摩。」

「汝知其焚然之故否？」

「知之，因有柴草之供給，故能焚然。」

「設火熄滅，汝知之否？」

「知也，善喬達摩。」

「於火熄時，汝知火自此去至何方否——東，南，西，北？」

「善喬達摩，此問未當。當火之燃，係因有柴草之供給；柴草燃盡，無復可燃，稱之為熄。」

「如是，跋蹉。稱說如來者，以色，受，想，行，識稱說之——皆與如來不能相應；斷其根株，使如棕櫚之樁，永不復起。如來超於色，受，想，行，識之辨解；如來甚深奧，不可測，不可量，如彼大海。不可說其「興出」，亦非「不興出」，非「亦興出亦不興出」，非「非興出非不興出」。……

「雖於如來現在目前時，亦不能加以辨解，如來不可說——至高，超人，最上成就者——如來滅後，如來為存在，為不存在，為亦存在亦不存在，為非存在非不存在……」

王言：「尊者龍軍，汝曾見佛陀否？」

「未也，陛下。」

「汝師曾見佛陀否？」

「未也，陛下。」

「尊者龍軍，然則無佛陀也。」

「陛下曾見喜馬拉雅山之字亞河否？」

「未也，尊者。」

「先王曾見之否？」

「未也，尊者。」

「陛下，然則無字亞河也。」

「尊者，有之。雖先王與寡人皆未嘗見之，固無損於字亞河之存在也。」

「唯然，陛下。雖吾師及我皆未嘗見世尊，仍有世尊也。」

「甚善，尊者龍軍，然佛是否至上至善？」

「是也，陛下。」

「尊者龍軍，汝既未嘗見佛，何以知其至上至善？」

「陛下，於意云何？未嘗見大海洋者，能知其博大，甚深，不可測，不可量，雖五河——恆河，贊木納河，亞賽拉瓦提河，沙拉布河，馬希河——常時不斷流注其中，而毫不影響其盈虛？」

「是也，尊者，彼能知之。」

「唯然，陛下。見及諸大弟子證涅槃者，吾知世尊為至上至善。」

「甚善，尊者龍軍。然何以知之？」

「陛下，昔長者提薩教人為文，於其死後多年，何以尚為人知？」

「尊者，由其文知之。」

「如是，陛下，見法者即見世尊；陛下，因法乃世尊所教。」

「甚善，尊者龍軍。汝見法否？」

「陛下，佛弟子制其身行，盡形壽以佛陀為準繩，以佛陀為南針。」

「甚善，尊者龍軍。然有佛否？」

「有之，陛下，有佛也。」

「尊者龍軍，能否指出佛之所在，或此處，或彼處？」

「陛下，世尊已入涅槃，於涅槃中，無實質餘存，故不能指出世尊為在此處，或在彼處。」

「請譬喻之。」

「陛下，於意云何？於大火烟熄滅之後，可指出火烟為在此處或彼處否？」

「不也，尊者。烟已無存，烟已不見。」

「如是，陛下。世尊已入涅槃，於涅槃中無實質餘存。世尊已歸家矣。故不能指出其為在此處，為在彼處。陛下，然可藉法體指出佛陀；陛下，法乃佛陀所教也。」

## (八) 涉喻

此節文字，乃由中阿含經摘錄而來。舉四種情形，作生動之描述。

文中取材，為各宗派所共知之譬喻，趣向涅槃之路，有如涉渡湍流而安抵遠方之彼岸。文中闡釋各種程度之行持境界，自己得解脫之阿羅漢，以迄無能自立，不離其母之「犢子」。然無論其如何脆弱，但能皈依正道，終可達於最高解脫境界。佛教雖未宜稱獨具真理，然仍以應教導行人，使其免於追從無能之師——無能之師，缺少佛所有之智慧，不足率導徒眾涉渡湍流。如是我聞，一時，佛在恒河岸優迦悉羅城跋耆族中。佛在彼處，告諸比丘言：「諸比丘。」

諸比丘應言：「世尊。」

「諸比丘，昔於摩揭陀國，雨季將終，時屆秋穫，有無知牧人，對恒河兩岸之情形，未加考慮，於非渡口處，驅其羣畜，下入恒河，向彼岸須維達渡。諸比丘，羣畜至於恒河中流，竄擠紛擾，發生困難，釀成災害。諸比丘，信從無能之沙門婆羅門者，亦復如是；彼沙門婆羅門等，不知此世，他世，魔境，非魔境，死處，非死處，以教長久時期受大痛苦。」

「諸比丘，昔於摩揭陀國，雨

季將終，時屆秋穫，有明智牧人，對恒河兩岸之情形，善加考慮，於渡口處，驅其羣畜，向恒河彼岸須維達渡。初驅種牛渡，彼種牛者，為羣畜長，能率羣畜；次驅公牛及闍牛渡；次驅牝牛及牝犢；再驅母牛及幼弱之小牛渡；皆得平安橫越恒河，渡達彼岸。其時有甫生乳犢，循其母之鳴聲，亦得橫越恒河，平安渡過。諸比丘，信奉具慧沙門婆羅門者，亦復如是，彼沙門婆羅門等，善知此世，他世，魔境，非魔境，死處，非死處，遂得長久時期享大快樂。

「諸比丘，如彼種牛，為羣畜長，橫越恒河，平安得渡；僧中羅漢，貪欲已斷，此生已盡，應作已作，卸脫仔肩，已達目的，不受後有，神通自在，故得超越魔流，安抵彼岸。」

「諸比丘，如彼公牛及闍牛，橫越恒河，平安得渡；有僧人輩，盡除繫於此岸之五使，刻刻向上，志趣涅槃彼岸，得不還果，故亦得超越魔流，安抵彼岸。」

「諸比丘，如彼牝牛及牝犢，橫越恒河，平安得渡；有僧人輩，盡斷三毒，貪，瞋，痴，得一來果，再生此世一次即得了脫諸苦，故亦得超越魔流，安抵彼岸。」

「諸比丘，如彼母牛及幼弱之小牛，橫越恒河，平安得渡；有僧人輩，力斷三毒，得預流果，脫離苦境，堅定不移，趣入覺道，故亦得超越魔流，安抵彼岸。」

「諸比丘，如彼初生乳犢，循其母之鳴聲，亦能橫越恒河，平安得渡；有僧人輩力求正法，信心增進，故亦得超越魔流，安抵彼岸。」

「諸比丘，我善知此世，他世，魔境，非魔境，死處，非死處。從吾教者，信我者，得於長久時期享大快樂。」

佛為是說，為是說已，世尊又說偈曰：「此世及他世，知者已善說，何者近魔境，何者離於死。佛陀正徧知，明察一切界，開演不死門，安抵涅槃境。橫越渡魔流，破除諸障害；望汝諸比丘，進步得安樂。」

(九) 佛陀是否等慈？

本書所以選用此下兩節，旨在以上座立場，解答困惑大乘學人之問題，彼等認為此等問題必須藉以後三篇所敘述之顯著發展方足以解答之。

在各種修持境界不同之僧團中，佛陀特別推許之羅漢，是否含有，超越餘人；此種僧團，是否含有，佛陀普渡有情之慈悲精神？為羅漢者，放棄一般社會之關係及職責，出家以避世之紛擾。惟個人速證涅槃，其所表現者是否自私？於吾人將繼續研究大乘教義之際，應明瞭佛陀對此問題所作之解答。

有長者白世尊言：「如來是否慈悲對待一切有情？」

？

佛言：「長者，是也。」

「然世尊不會對某人詳細說法，而對他人則否乎？」

「長者，於意云何？設農夫有田三處，一肥沃，一平常，一穠瘠，於播種時，彼將首播於何田？」

「彼將先種肥沃田，次及平常，至於穠瘠薄土，可種可否。何以故？以其僅能生餉畜之草耳。」

「長者，此亦如之，吾之僧尼，如彼沃土。我為彼輩，以身語意，宣示正法，初以慈悲，繼以慈悲，終以慈悲；我使彼輩得知法要，究竟圓滿，極淨純潔。何以故？以彼等隨我同住，求智慧，求蔭庇，求保護，求皈依。」

(十) 出家是否自私行爲？

「男女居士，在家學人，如普通田，我亦為彼，宣說正法……使知法要，究竟圓滿，極淨純潔。因彼等隨我同住，求智慧，求蔭庇，求保護，求皈依。」

何？如來於此出世，應供，正徧知，善逝，世間解，無上士，調御丈夫，天人師，佛，世尊。如來謂言：「來，此為正道，我依之行；以我殊智，證入梵境，世無其匹，我盡知之。來，汝隨我行，亦以汝智，證入梵境，世無其匹，得不退失。如來如此宣說正法，信眾因其真實，而奉行之。且信者目眾，由百而千，以迄萬億。如此情形，汝謂出家學道，為自利乎？」

本刊最近流通佛書

- 一夢漫言(見月老人著述) 五元
- 弘一律師眉註 六元
- 佛法起信要編 六元
- 淨土聖賢錄(三本) 二十八元
- 佛教人生觀 十元
- 印光大師文鈔正續編 六十元
- 精裝二冊 六十元
- 平裝四冊 五十元
- 印光大師文鈔菁華錄 六元
- 印光大師法語 三元
- 印光大師法語 三元
- 飭終津梁 五元
- 佛學研究十八篇 二十元
- 禪七開示錄 五元
- 西齋淨土詩 八元
- 二課合解 二十元
- 禪門日誦 廿五元
- 西方三聖像(一幅裝) 五元
- 西方三聖像(三幅裝) 八元
- 極樂世界圖 五元
- 地藏菩薩像 二元
- 地藏菩薩像 二元
- (佛像請十份以上者八折)
- 本刊劃撥帳戶九〇二四號，但不滿十元者，請附郵票代金。